



UKA 2017/9
14/11-2017
Nivi Olsen

Inatsisartut Ombudsmandiata 2016-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.

(Inatsisinut ataatsimiititaliaq)
(Siullermeerneqarnera aappassaaneerneqarneralu)

Inatsisartut Ombudsmandeqarfia pisortanut tunngatillugu innuttaasunut qularnaveeqqutaavoq. Innuttaasut pisinnaatitaaffiat kusanartuuvoq periarfissaqartitaagamik Ombudsmandimut naammagittaalliorsinnaallutik kommunip aamma/imaluunniit Namminersorlutik Oqartussat sullissinerat pillugu aamma aalajangiisarneri.

Taamaalilluni Ombudsmandeqarfiup inuiaqatigiinni kikkut tamat oqartussaaqataanerat tunngavigalugu innuttaasut pisinnaatitaafiinik illersuisuuvoq. Ombudsmandi ammasumik paasiuminartumillu sullissisoqarnissaanut isumannaarinneqataavoq aamma upparaarput oqartussaaffiit sullivimmuut ataqinnittuunerat pissutigalugu sullissinerup pitsaassusaa qaffassarneqartartoq.

Demokraatini tamanna tunngavigalugu isumaqarpugut Inatsisartut Ombudsmandeqarfia nunatsinni kikkut tamat oqartussaaqataanerat tunngavigalugu ingerlatsinermut pingaaruteqartoq.

Demokraatini Inatsisartut Ombudsmandeqarfiata 2016-mi suliai angisuut pillugit qutsavigerusapparput nalunaarullu tusaatissatut tigullugu.